

КОМИ РЕСПУБЛИКАЛӦН
ОЛАНПАС

**«Коми Республикаын олысьяслы социальнӧя отсалӧм йылысь»
Коми Республикаса Оланпасӧ 1928 вося лӧддза-номъя тӧлысь
22 лунсянь 1945 вося кӧч тӧлысь 3 лунӧдз СССР мутасын чужлӧм
да овлӧм йӧзлы (войнадырся челядьлы) социальнӧя отсалан мераяс
индан юкӧнын вежсьӧмъяс пыртӧм йылысь**

Примитӧма Коми Республикаса
Каналан Сӧветӧн

2021 вося урасьӧм тӧлысь 18 лунӧ

1 статья. Пыртны «Коми Республикаын олысьяслы социальнӧя отсалӧм йылысь» Коми Республикаса Оланпасӧ (Коми Республикаса канму власьт органьяслӧн индӧд-тшӧктӧмъяс, 2005, 3 №, 3765 ст.; 12 №, 4109 ст.; 2006, 1 №, 4180 ст.; 7 №, 4483 ст.; 2007, 2 №, 4703 ст.; 3 №, 4726 ст.; 4746 ст.; 6 №, 4835 ст.; 11 №, 5141 ст.; 2008, 5 №, 199 ст.; 11 №, 607 ст.; 609 ст.; 12 №, 725 ст.; 2009, 40 №, 736 ст.; 49 №, 991 ст.; 2010, 16 №, 296 ст.; 24 №, 577 ст.; 44 №, 1026 ст.; 2011, 6 №, 149 ст.; 20 №, 441 ст.; 63 №, 1552 ст.; 2013, 10 №, 205 ст.; 17 №, 348 ст.; 32 №, 593 ст.; 37 №, 707 ст.; 2014, 17 №, 317 ст.; 27 №, 507 ст.; 33 №, 666 ст.; 33 №, 676 ст.; 2015, 11 №, 142 ст.; 149 ст.; 26 №, 350 ст.; 2016, 4 №, 52 ст.; 9 №, 100 ст.; 12 №, 139 ст.; 17 №, 231 ст.; 18 №, 263 ст.; 2017, 27 №, 487 ст.; 2018, 14 №, 234 ст.; 17 №, 305 ст.; 2019, 5 №, 63 ст.; 15 №, 206 ст.; 21 №, 312 ст.; 2020, 4 №, 31 ст.; 17 №, 277 ст.; 18 №, 293 ст.) татшӧм вежсьӧмъяс:

1. 10.1 статья гижны тадзи:

**«10.1 статья 1928 вося лӧддза-номъя тӧлысь 22 лунсянь
1945 вося кӧч тӧлысь 3 лунӧдз СССР мутасын чужлӧм
да овлӧм йӧзлы (войнадырся челядьлы)
социальнӧя отсалан мераяс**

1. 1928 вося лӧддза-номъя тӧлысь 22 лунсянь 1945 вося кӧч тӧлысь 3 лунӧдз чужлӧм да СССР мутасын овлӧм йӧзлы (войнадырся челядьлы) (водзӧ – Войнадырся челядь) сетӧны татшӧм социальнӧя отсалан мераяс:

1) республикасянь сьӧм мынтӧм 1941 – 1945 воясса Айму вӧсна Ыджыд тышын Вермӧм лун пасйӧмкӧд йитӧдын – Коми Республикаса Воськӧдлан котырӧн урчитӧм пӧрадокын, мындаын да условиеяс вылын;

2) Коми Республика мутасын лӧсялана сьӧмкуд сьӧм тшӧт весьтӧ Коми Республикаса медицина организациясын гражданалы медицина отсӧг дон босьттӧг сетан канму гарантияс серти мутас уджтас серти медицина отсӧг ӧчередьтӧг сетӧм;

3) Коми Республикаса социальнӧя могмӧдан организациясӧ, кодъяс сетӧны социальнӧй услугаысӧ стационарнӧя, джынвыйӧ стационарнӧя, ӧчередьтӧг примитӧм да Коми Республикаса социальнӧя могмӧдан

организациясөн, кодъяс сетöны услугаяссö гортын социальнöя могмöдöмөн, öчередьтöг могмöдöм;

4) олан жырйысь да коммунальнöй услугаясысь (уна патераа керкаөн веськöдлöм серти услугаяс да уджъяс да уна патераа керкаын öтувъя эмбур капиталнöя дзоньталöм вылö взнос кындзи) мынтысьöм вылö рöскöдсö вештöм.

2. Тайö статьялөн 1 юкөнса 1 пунктөн урчитöм социальнöя отсалан мерасö сетöны Войнадырся челядьлы, кодъяс оз босьтны 1941 – 1945 воясса Айму вöсна Ыджыд тышын Вермöм лун пасйöмкöд йитöдын республикасянь сьöм мынтöмсö Коми Республикаса мукöд нормативнöй инöда акт серти.

3. Тайö статьялөн 1 юкөнса 4 пунктөн урчитöм социальнöя отсалан мерасö сетöны Войнадырся челядьлы тайö Оланпасын 2 статьялөн 2 юкөнса положениеяссö тöд вылö босьтöмөн.

4. Войнадырся челядьлөн эм инöд босьтны эскöданпас, кутшöмлөн образецыс да сйöс сетан пöрадокыс урчитсьö Коми Республикаса Веськöдлан котырөн.».

2. 20 статьяса 1 юкöнын:

1) 4.1 пунктö содтыны татшöм сюрöса «ж.1» пунктув:

«ж.1) йöзлы, кодъясöс индöма тайö Оланпаслөн 10.1 статьяын, – 450 шайт мындаын;»;

2) 4.2 пунктö содтыны татшöм сюрöса «ж.1» пунктув:

«ж.1) йöзлы, кодъясöс индöма тайö Оланпаслөн 10.1 статьяын, – 600 шайт мындаын;».

2 статья. Тайö Оланпасыс вынсялö 2021 вося рака тöлысь 1 лунсянь.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2021 вося урасьöм тöлысь 25 лун

2-РЗ №